

共
九
日

C 40
617


投
子

上

番號	書名	冊數	備考
		全	第
		冊	冊

西山藏書

新大正三年十二月九日
贈西山王郎氏



B8388

新肖大目至



此
千
大
佛
業
度
大
宋
永
初
二
年
六
月
十
日
西
山
王
郎
氏
藏

至相大師肖像



於大方廣佛華嚴經中搜玄分齊通智方軌第一
終南太一山至相寺沙門釋智儼

華嚴傳卷三六

此經本外國凡有十萬偈昔晉道人支法領從

德指天竺

于莫國得此三萬六千偈以晉義熙十四年歲

西元紀十二

次鶉火三月十日於揚州謙司空寺天竺禪師

此經述云

佛度跋陀羅手執梵文譯胡音為晉沙門釋法

業親從筆授時吳郡內史孟顗右衛將軍褚叔

度為檀越至元熙二年六月十日出訖胡本至

王作宗

太宋永初二年辛酉之歲十二月廿八日校畢

下起二未至生至非難此涅槃非
分難若此有二解一其初相生
體空故非難此涅槃非難此
靜二家用解生死難此非難此
何者是解近說空是深說則不
空如未滿是大涅槃能達大義
用雙證無所不為故非氣難今依諸報

今分別文義以五門分別一歎聖臨機德量由
致二明藏攝分齊三辨教下所詮宗趣及能詮
教體四釋經題自五分文解釋初歎聖臨機德
量由致者夫如來大聖自創悟玄蹤發軔於無
住融神妙家志崇於菩提故能殖道種於先際
積善業於無我量正智於金剛朗如如於尔炎
是以妄想弗撫而霄翔累表靈鑑弗瑩而圓明
等覺澄淡我淨至家所不隱凝跡常樂無所而
不施生死涅槃夷齊同觀德備圓通大智無郭

礙解脫方便妙極然矣第二明藏攝分齊者斯
之玄家豈容言哉但以大悲垂訓道無私隱故
致隨緣之說法門非一教別塵沙寧容限目如
約以辨一化始終教門有三一曰漸教二曰頓
教三曰圓教初門漸內所詮三故教則為三約
所為二故教則為二言其三者一曰修多羅此
云經亦名經以經能貫羣經能持緯義用相似
但以此方重於經名不貴經稱是以翻譯逐其
所重故廢經名存於經目譬聖言教能貫穿法

起信義記上三二阿毘達磨
或云阿毘達磨云法即無分別
智分別法相更無有法能比
此故云無比法今釋對法謂
阿毘達磨對法達磨是所對境
謂以正智妙盡法源簡擇法相
分明指掌也對面見故云對法

起信義記上三

表差別二故後說為法開顯及菩薩預聞後三及二云何名修學由攝教即攝一切所應知受解云是故為後起信義記
下集依此法相分別施設三藏義示並開理行果等名色同藏為善善利根上義依此三性三智三慧三藏
諸示菩薩理行位學名七菩薩藏○分別修下智七小乘三藏三藏攝三藏性攝

相使不差失令法久住經與經相似此從譬立
名即詮定教也二毗耶耶此云滅以身口意惡
焚燒行者義同火然戒能滅之故稱滅此從功
能彰目教從所詮亦名為滅即詮戒教也三者
阿毗達磨此云無比法亦云對法能破煩惱及
分別法相無分別惠最為殊勝更無有法能比
此者故曰無比法此從無比得名教從所詮亦
名無比法此即詮惠教也名對法者即阿毗是
能對智達磨是所對境法即境用立名此後二
藏並從所詮得名也問若然者何故攝論云為
說三種修學別立修多羅為成依戒依心學故
立毗耶耶以此文驗即經詮二行戒詮一行惠
詮一行答有二義一尅性門二兼正門尅性如
前說兼正門有二義一本末義經為本教餘二
次第末也二者兼正門經中定為正戒慧兼也
律論亦爾准可知耳此經即修多羅藏攝也所
為二故教即為二者根有利鈍法有淺深故約
聲聞鈍根就分別性立於三藏成聲聞行法故

也爲菩薩利根約無分別等三無性義立三藏
爲成菩薩行法故也問經云爲諸緣覺說因緣
觀法卽緣覺亦有教何故不立藏答依普曜經
三乘教卽立三藏今依攝論及地持等但假教
卽入聲聞藏故不立也此以二義明之一聲聞
聲聞是人本來求聲聞道樂觀四諦今遇佛說
諦法得道先有種性今復聞聲故曰聲聞聲聞
如經中說求聲聞者如來爲說四眞諦法據此
爲言二緣覺聲聞者先求緣覺道今遇佛說因

緣教法如經中說求緣覺者如來爲說十二緣
法就此爲論初義總相知法後義別相知法利
鈍雖殊同期小果總爲一藏也若上利根出無
佛世自悟因緣而得道果有行無教據斯廢也
依普曜經望理教別也就聲聞中有其二種謂
初執性教及後破性等諸部執教破性教者分
知法空同依四諦趣於小果故同入聲聞藏也
二菩薩藏內有二者先習大法後退入小今還
進大故經說言除先修習學小乘者我今亦令

論品云降生修習字不棄者
也是之人我今亦令得聞是經
入聲聞藏科二根教處

函出品云諸生事易可化度無常
波所引若何是諸生世以未常
受我化而於過去諸佛恭敬生重
檀善根此經中始見我事
聞我教即信受入如來慧
知初利根德有

五教章辭云此明三乘法門生住異
故云無盡佛法不同三乘一相三
法也

入是法中名漸入也。一者久習大乘今始見佛
則能入頓故經說言或有眾生世世已來常受
我化始見我身聞我所說即皆信受入如來慧
也此經即入大乘教攝也。第二頓教攝者故下
經云若眾生下劣其心厭沒者示以聲聞道令
出於眾苦復有眾生諸根少明利樂於因緣法
為說辟支佛若人根明利饒益於眾生有大慈
悲心為說菩薩道若有無上心決定樂大事為
示於佛身說無量佛法以此文證知有一乘及

孔目云問三藏之義根在
教十藏之字我通其教義云何
於十藏對三藏說答三乘小乘
攝事分言說教即非我乘一乘
之義以教為教義以義為義
三乘義中已有此義何況一乘

頓教三乘差別又依真諦攝論一者一乘二者
三乘三者小乘也問頓悟與一乘何別答此亦
不定或不別或約智與教別又一淺一深也一
乘藏即下十藏也相攝准之第三言圓教者為
於上達分階佛境者說於解脫究竟法門滿足
佛事故名圓也此經即頓及圓一教攝所以知
有圓教者如下文云如因大海有十寶山等准
之問此經何故上來通三乘分別及攝者答為
此經宗通有同別二教三乘境見聞及修等故

起信命云一切諸佛本所乘故
一切菩薩皆乘此法到如
來故

位善根等也。二莊果華與果同時如七淨華等
及滿果位諸德修生本有互嚴可知嚴者莊飾
也又言大者標以勝極之都自故論云大勝高
廣一體而異名乘旨道富叅羅無外謂之太本
非屈然矣言方者圓通之致處無不善學緣斯
順不擇物而施故曰方言廣者沖而幽微而遠
淵而且博謂之廣也言佛者中國正音云佛陀
此方稱覺者以其朗達竅源塵習永亾懷明獨
曜暉光大夜啓導群或自覺覺入故曰佛陀言

華嚴者此說法身行德之美故體非真無以彰其妙功非極無以顯其勝互相瑩發義並超殊可謂自體圓通勝妙之極然矣其猶衆綵奇珍織飾金顏特甚瓚麗世之無比故就斯喻樹名故曰華嚴經者眞淨之教訓議常則文詮理緯顯用片似故曰經也世間淨眼者謂時中器等三世間也及能況之相又體用差別故況世無礙無染泥眼亦可如來未出世無善導故如盲佛今出世現自他淨喻明眼耳言世間淨眼者

此應名序但今之時會並是勝流入衆佛海數
德居淨域塵所不染出自天真信非有爲故託
以顯至極圓通緣起之妙不捨生死而無沾汚
是以就事爲目故曰世間淨眼果德難惻非喻
莫曉故設以擬杖若於眼內外俱淨中表清徹
色像參羅並屬於一運無小無大無遠無近不
相妨礙故可准況樹之如眼故下偈歎世間清
淨猶如眼義顯聖說然矣品者語言理均格類
相從稱之爲品此經有卅四品此品貫之在首

故稱第一經之都目宗要之況旨明於此故言
導大方廣佛華嚴經第五隨文解釋者初總料
簡敎之分齊次別釋文分齊初中有二一對耶
顯正明其分齊二約所詮義明其分齊初對耶
者有其四門一約緣辨耶如八時不應語等二
約業辨耶如求其名利自是非他樂世有等三
約感明耶聞作聞解不得不聞乃至依法不依
入等四始終辨耶如經云八大善人等當成不
善故二約就所詮明分齊者略有十門一同時

旨歸結
一、塵中各有五塵，諸業
海世界海中復有微塵此微塵
以復有世界如是重之不可窮
盡。其是心識重重現珠光明
帝、衆發天珠網重重現珠光明
現現如是重之不可窮盡。經云
如因陀羅網世界十地而帝
網若別者唯智衆始非服所
見。
海義經注謂帝衆網重重天
珠成一大珠。當心次以其次
大珠重重現現如是展轉重重
重重重重。此上義經云十地
同時別顯是足顯現以時
法不相離故。

五教章中註此上諸義或能或不能如前入法等。若以入門一取者即一切皆入。故名為教。又此上門
具入三昧。即施戒度生等。每重重如諸佛。傳持成教。七如定。法界純淨。無不具足。故名為教。
或入三昧。即施戒度生等。每重重如諸佛。傳持成教。七如定。法界純淨。無不具足。故名為教。

具足相應門於中有十一教義具足二理事具
足三解行具足四因果具足五人法具足六分
齊境位具足七師第法智具足八主伴依正具
足九逆順體用自在具足十隨生根欲示現具
足此等十門相應無有前後也。二因陀羅網境
界門此中具前十門但義從喻異耳餘可准上
三祕密隱顯俱成門此亦具前十門但義從緣
異耳餘可准上四微細相容安立門此亦具前
十門但義從相異耳餘可准上五十世隔法異
成門此亦具前十門但義從世異耳餘可准上
六諸藏純雜具德門此亦具前十門但義從世
異耳餘可准上七一多相容不同門此亦具前
十門但義從理異耳餘可准上八諸法相即自
在門此亦具前十門但義從用異耳餘可准上
亦可依性九唯心廻轉善成門此亦具前十門
但義從心異耳餘可准上十託事顯法生解門
此亦具前十門但義從智異耳餘可准上上十
之玄並皆別異若教義分齊與此相應者即是

旨歸七左五三意忘死身者
則此應現色身身當即無
生滅則是法身立事一味正
德業用是有限量經云法
身無門現十方如蓮華
在理事混融三昧
五教章上上若先以三未去
此則一乘三乘和合教故
同教攝亦名迴三入教

一乘圓教及頓教法門若諸教義分與此相應
而不具足者者即是三乘漸教所攝餘義依下天
王等法門准之可解也隨文解釋者初略舉八
種教明互相成及約三教相明其次第次第隨文
釋其八教者一乘三乘分齊二真應三迴三
入一四空有五凡聖相由六常無常七三乘同
行八辨法邪正此之八義上下皆通廣說略說
相從成就本末二相宜可准思約三教相成者
謂始於道樹菩提樹下為諸大行華嚴經一往直陳宗本之致方

廣法輪其趣淵玄更無由藉以之為頓所言漸
者為於始習初又習施設方便開發三乘引接之化初
微後著從淺至深次第相乘以階彼岸故稱為
漸所言圓教者為於上達分階佛境者說於如
來解脫法門究竟窮實至極果行滿足佛事故
曰為圓如窮之以實趣齊莫二等同一味究竟
無餘何殊之有但以對治功用不等故隨根器
別其淺深言分有三其次第者就於一乘了義
實說約對治方便行門差殊要約有三以明次

第一者據方便修相對治緣起自類因行以明三教漸卽在漸頓中圓後三義從漸說也初漸以生信次頓以成行次圓以成體用耳若約實際緣起自體因行以明時頓初漸次圓後初示頓以令修次示漸彰爲物後示圓果德備故也若約窮實法界不增不減無鄣礙緣起自體甚深祕密果道時卽初圓次頓後漸也所以爾者正以沖宗不遺於玄想圓道不簡於始門是以事雖近而至遠相雖著而至密淺至極深方窮故

初示圓令見聞次彰頓令隨喜後辨漸階位顯德起信行也此卽約圓以明三耳然教乃可爾論其旨也正明如來法身無上菩提至極圓道契窮實相德盈海與義興真本顯明後際語果彰之於無得論因顯之於無發故無相之相其趣幽微凝同太虛旨絕名相可謂至道無言而玄籍彌布真容無像而妙相備嚴入於佛慧具佛所行德懸殊美踰越於世故經旨貴以佛華嚴之稱者當知旨南之說宗要在茲隨文釋者

此一部教大分有三謂序正流通若豎料簡隨其八會有義別餘准可識此經一部凡有七處八會人中三天上四名七處也重會普光名八會也此爲階法故有七八耳此七八文相有無不同略以十門分別就八會內所以初明佛者佛是化主今攝物必以化主爲先故初明也二大聖說法有所栖託次辨處也三攝化有所次明菩薩四器雖具足請若不滿則不爲說故次生疑五法潤無崖次辨集新衆六微法不審

不可卽說次辨入定七欲辨法勝故明佛加八顯法始終分齊次明出不出異九勝法旣宣次明法益故辨動地雨華等也十然功用旣彰化不偏屈十方齊轉契合不虛故次辨結會平等顯證述成此十若離雨華等乃有十五散花燒香放光作樂雨霤攝五爲一也今並攝在十耳二對會釋有無者七處佛三身中是何此解有二一屈通屈者八會但非小見故是報身問旣非化何以處與下同答此爲先化流於末世

知太論云不思議經有十萬偈此唯有二萬六
千偈故知也亦可有流通衆生心微塵已下文
是但爲龍樹菩薩會事等處十萬准省之故不
足耳若從文義以分至文別辨耳序文分二初
明證信二天王設供等已下明其發起序信序
文有二義初二句四字屈此證信一一時下義
有通此約一義耳又亦可二句義通一部而文
別初一一時已下文通而義別也約此義卽有
六句一如是二我聞三一時四佛五住處六問

按云二十段通有西義三障
破諸義滅理次三顯其滅
顯云大略理無量諸大義
故四義物成其義
判定記二從正受有前
但從擇因法 顯等義
指的在何時故到此明也
定時也
按云二時
通有五義初不表以生身佛
於此對下三十四初成
同諸羅薩婆成非化二為大
八七化身示現於世初成正受
乘此五和之初五初十為六初

聞衆初釋如是者衆聖理教文義相應故也亦
可我傳文義如佛所說也是聖教義也又信順
辭耳我聞可知一時者據根相應時也時有三
義一平等時謂無沈浮顛倒二和合時謂令聞
能聞正聞三轉法輪時謂正說正受佛者可知
處者磨竭提寂滅道場此是大聖所託以一在
釋一切在國通場別此云無害國寂滅表離鄣
圓果淨寂德也始成者有二義一得道始初七
日時二現世始說法弟二七日時也由令他知

按云十地行滿之開道處要更開明初和正受年四初以法身 謂創得三因之最初圓覺故曰初成此上大
初日地滿繩之世也世界之中皆和之成佛具足主伴三世時

成道始故文有二初二句總開依正立宗二別
辨別內分一初釋依報二如來處此下辨正報
也初即器世間也文有三初辨道場地二其菩
提樹下辨其道樹三不可思議下明師子坐此
主意者地為住行之本樹為衆德建立坐為攝
益之用初場中有三子句一辨道場體莊嚴具
足二佛神力下明果德資成三無量善根下出
其因行初體文復有三一總辨體二衆雜寶花
下六句辨自利德三雨無盡寶下二利自他德

也自利六句中初一句微妙圓淨次一具德淨
次一色相淨次一高顯淨次一眷屬淨次一隱
映淨利他二句內初明津用淨次一覆潤淨此
二句通自他次佛神力下第二子句中有三句
初明變淨土令地廣博二光明普照下德用也
三一切奇特妙審積等者體攝衆德就道樹文
二子句一有九句辨樹體莊嚴二佛神力下辨
果德資成初文分三初明樹體高勝能陰覆也
其清淨瑠璃下五句正辨莊嚴三樹光普下三

句明利他用此中有三業初意次身次口坐文
分五初明坐體出過情量二衆妙審花下正辨
莊嚴三流光如雲下辨利他用亦有三業初身
次意後口四如來光明踰等下上果下加有五
句一陰覆勝二變化勝三無礙勝四疾遍勝五
具德勝五無量衆寶下總結成也第二辨正報
文有三初如來處等總釋二了二世下別辨第
二別釋文有三初明法身二其身遍坐一切道
場下明報身三悉能普現一切衆會下明其化

身此約三乘判文若依一乘此中卽具十佛體
德用准以思攝初法身文有三句初辨身業德
有二句二妙音遍至下二句明口業德三平等
法相下三句辨意業德二報身文分三初身用
有四句一坐分齊二知根行三除惑染四生德
也二普放三世智海光明下三句辨口業三力
無畏下一句明其意業三辨化身文初身業有
三句二了達一切下二句意業三一切光明下
二句口業就口業文分二初辨放光能普現諸

旨歸經七顯法界等如金
利相獨著提等五百名
在此法會中盡其地及示
一兼法界由彼立現此法
深廣如田宅以理白等

義次諸佛世界下辨益分齊第六同聞衆卽衆
生世間文明大衆圓集此作二門辨一明諸會
有無不同二依文釋有無分二大小二雜類
大小者七會皆大第八通小所以者前爲顯頓
敎大乘體第八爲入法界普攝小乘令入大顯
人力故二雜者唯前一後一列雜類神王名餘
略不列所以者前爲表仰修信如稱法界人信
解萬行相後爲表稱法界攝法界人修入德滿
相也問若爾何故涅槃經攝衆類多此少也答

彼望熟故遠說此約始近論也所以可知又亦可始約初位為分齊故不通小下餘如下辨第
二釋文分三初別如來法身淨土攝三十四眾
二爾時於佛師子坐下復以法身淨土方便之力攝起一眾始末合有三十五眾初略列眾名
二列名歎德初文分二一辨菩薩等明無為緣集眾二諸神等明有為緣集眾下列名歎德准
此可知初菩薩眾中分三一舉二列廿名此有
三初辨次結三歎德與俱者有二一佛與俱與

標玄三三此二分通說有七重
一約一行生熟分二約二行如
施行已後後熟等三約三利
以分四法行位以分五為攝
進五約六法分六約二利
謂前位已成後位未成
位為勝進七法四利四自
入等勝進今此文中正就末
法通通

之俱說二傳法俱與之俱聞普者德滿法界曰
普至順調柔曰賢所以此中明菩薩名雜者有
二意一為顯下麤細等雜世界故二為此眾通
下八會序顯多類法故也餘者可知三歎德文
有四初總歎二諸波羅蜜下別歎自分德二無
上智願下別辨能入他分德四悉得諸佛下辨
普賢行願自在攝化總文分二一皆是善友者
顯入勝盧舍那者此云廣博嚴淨二辨自分文
有三子句一明自利行二辨才大海下利他行

三住於一地三三三下明以行成位スルヲ辨所攝分齊云住
於一地普攝一切諸地等者就行相次第終至
窮實注自體以論略要有四一者以於始故能生
於後終竟滿足故名攝也二者雖足足初始然皆
能行於諸地所行諸法無殊故言攝也而所成
之行但在於自分之位上下憂劣但以明昧爲
異也三者但是初始即攝一切諸地功德故名
也四者非謂以初後故名攝但是初始即正是
終故名攝也就自利分三謂總正助也利他文

有二初一辨口業次一身業次二善知下意業
此中初知根以金剛指二知理法三知事法他分文有四
句一明自利五句一得願二得教三得果法四
得位德五得定也二於衆生海下利他二句初
立次釋也三善入下二句善入法身初立次釋
也四遍遊下二句爲物出生淨土初世界海次
國土海也第四普賢行願文有四一得諸佛三
世方便二辨供養二得普賢願四攝生成智德
亦可對物攝勝就有爲緣集文有卅三衆從下

下說二三
三事四化
海土有四種
性二

向上列名所以者為表進行增微故問此諸衆
住何土中答此衆一身住土四之中三土化土
中之一分此可思之何故下讚佛文從上向下
列者為彰尊位次第也初力士衆分三一舉數
二列名三歎德歎德文有三初總次五句別一
具願門二具德門三具定門四具神力門五具
解脫門即自利德也三處一切衆生下二句利
他餘衆列名歎德可知迦樓羅者金翅鳥也緊
那羅此云疑神作樂也摩睺羅伽此云莽神也

夜摩者此云時夫亦名妙善兜率者此云知足
大梵者此由新離欲染也摩醯首羅此云大自
在天又有二前一可知就歎德文有四子段一
總歎二於一切衆生下別歎利他三無量妙色
下歎自利第四觀佛姿顏乃至所以者何下因
事辨成二用所以第三自利文分二初明法身
身業次於十力中下明意業後處一切衆下口
業此文有五句展轉可知第四所以文有二初
明所依二辨所以所以中初問次答答文有三

初辨所依緣二於諸如來下明依緣成行三各隨下結前所成推功在佛第二文中六子句一在信位爲佛攝生善根二爲佛引入解位三爲佛攝入證位已上四從逮得無量功德下明得八地已上無功用勢力五皆悉成就下辨十地已上普賢願行六菩薩所行下結前所成第三結功在佛文中分四一結二正推如來智光普照二得成因乘解脫力入佛果海親辨所由四於法門得自在成述已行滿亦可四句展轉

辨成次就歎佛文十八衆內此但略亦隱顯故明十八大分爲一一善海等各於一法門得自在一第十八普賢菩薩於一切法門得自在此中約緣起樓觀顯同生異生德門分齊宜可思之亦可前十七異生後第十八普賢菩薩是其同生就異生文有十七初善海內有一一舉法門自在卽意業行供養王身現在卽身業供養二說偈下辨口業供養偈讚文總爲歎如來三業滿法界用就中初六偈總歎佛三業在世勝

二自一切世間衆生下六三業在世起殊勝德
用次如來妙色身下二偈別歎身業次如來音
聲無礙下二別歎口業次一切十方無邊佛下
二辨佛意業次二偈舉因釋成二樂業光天偈
歎佛家用雙行德文分三初一總歎次十六偈
別舉二無數無量劫下二舉因結成三禪有七
天淨智有廿二偈總歎如來身業功能初六歎
法身次六歎報身次六歎化身次四總歎如來
慈悲德二禪十天廿偈總歎佛大方便行及所

證法初六偈總歎佛方便行次六歎以法門攝
化次六歎八相成道化次二舉因結成初禪有
十天誦內十六歎佛家用無礙自在德初四歎
佛身業次四歎佛口業無礙次四歎佛意業次
四總歎三業無邊他化十天誦文有廿偈歎佛
後得智用初四法身普益生善滅惡次四佛口
業用次二意業用次六總歎佛能滅惡生善次
四歎佛應機自在而無高心化樂天有廿偈中
歎佛三身德初六歎法身德用自在次十四歎

報身十四中有四初二辨佛口業次六身業次
四歎佛本因次二歎佛攝生自在兜率有八天
誦中十六偈總歎佛周遍法界說法自在初六
總歎佛用無礙次六歎佛除生三鄣德次二歎
佛能成衆生行益不空次二歎衆圓集顯聖攝
九耳夜摩十天誦十六總歎佛三業功德初八
意業次一口業次六身業忉利有十天誦有廿
偈總歎二世佛權實菩提智門初四辨念佛者
得遇聖緣次八辨佛方便被物次六歎佛成勝

智身令修入者成勝利益次二結勸念佛滅三
鄣也卽惑業報耳目天有十誦中廿一總歎佛
智日功初十二歎佛衆德莊嚴次八歎佛勝智
善巧次二歎法深廣月天有十誦中十六總歎
佛於凝闇中放智教光成其觀行也初十辨佛
智光益生成證心不傾動次六明放智光轉相
教示成其正觀次下乾闥婆等四衆卽四天王
是也從所領爲名故作此說若從主名者大論
云東方天名提頭賴吒此云治國領二部鬼神

一名乾闥婆，一名毗舍闍，南方天名毗樓勒，又此云增長，領一部鬼神，一名鳩槃荼，一名辟脇多，西方天名毗樓博，又此云雜語，領一部鬼神，一諸龍，二富多那，北方天名毗沙門，此云多聞，領一部鬼神，一夜叉，二羅刹，此所領即是經中八部鬼神，此卽廿八天中一天，東方天有十謂持國等，誦中有卅總辨慈悲方便示法身淨土成利他益也。初六歎佛攝生，令見法身，次有八偈歎佛在淨土化生得果，次有六偈歎佛隨處

益物，南方天有十誦有卅偈歎佛慈悲法門，初六歎佛大悲忍苦調伏衆生，次十四明佛悲德周遍十方，用無相也。於中有二初十二辨慈悲相，次二辨用離相。西方天有十誦中有卅歎佛悲益，故令生得法喜，初六偈辨佛悲力救生，次四歎佛在生死者，令入法海，次四令在苦者得其淨土，次六偈歎佛在淨土中說妙法海，成法供養，如須彌藏經說龍報有五種形，一善住龍爲象形，二難陀龍爲虵形，三阿那婆達龍爲馬

形四婆樓那龍爲魚形五摩那蘓婆帝龍亦名
摩那斯爲蝦蟇形變形如律說各領所形龍北
方天夜叉者輕捷誦中有十六歎佛爲拔苦故
在世間初八偈歎佛平等慈德次六辨佛智身
法身攝庄趣正道次二舉因結成上卅三衆中
名此爲鬼主者八部中唯緊那羅龍毗舍闍是
畜生但夜叉羅刹力大故與鬼名此中五皆鬼
也金剛力士有十誦中有升辨佛法身三業難
壞初六歎佛身業自在次六辨佛口業次八歎

佛意業此上諸類並像現劣而體是勝故大集
云諸佛諸菩薩言汝欲往釋迦佛所者當現作
梵王等故知也又此華藏界豈有此實類也意
如攝論云云次解第十八菩薩衆說偈歎佛此
唯列普賢不列餘名者此形居道位德樹普門
彰一卽一切一切卽一故也此文有一初列名
歎德次偈誦表三業供養可知上下二衆長行
歎德是經家列非當時文就長行有一初總次
所謂下別總文分一初自分德二能入如來下

入他分、他別、文分、一前、八法門、廣前、自分、後、二
法門、廣前、他分、又此、五對十句、二、二、自他利誦、
中、廿偈、義分、有、六初、二、歎佛、住處及眷屬淨次、
二、歎佛土主淨次、二、半、歎利益圓淨次、有、七偈、
半、化用圓淨次、二、歎佛果位勝出圓淨後、四體、
用淨就七偈內、初三、半、佛身業淨次、二、偈、口業、
淨次、一切、三世下、二、偈、辨佛意業淨後、四偈、文、
分、一、初、一、辨法身體淨次、三、用淨即三業、用也、
即爲、二耳、此、中釋普賢分齊以八門明、因陀羅、

可以知之、一理、二、土、三、身、四、教、五、法、六、行、七、時、
八、事事、即塵等也、凡論大意、約文、有、二、一、但有、
使習煩惱、染業及報、並入凡境、自外入聖、中有、
二、謂理量、二、法、此、二、各有、二、法、因陀羅網境界、
即理中量也、及量中之一分耳、此可思准之、次、
下大段、第二、不動而集衆、此上諸衆、未必有動、
但欲顯同體緣故、有此耳、又顯果位具、因法故、
也就中有八子段、一、明出處、謂師子坐樓觀側、
二、舉數、三、列十名、所以列雜名者、欲顯說增微、

多類法故四設諸供養下列供具五皆大歡下
正供佛六隨方而坐七彼菩薩等下歎德八說
偈歎佛前地^經此樓觀別住也供具有五散花
燒香放光作樂雨霽就歎德有十句一自分因
行門二勝進證時他分無礙三眞佛境中無盡
辨才四得佛意成不思之用五得普門境佛身
業現六總說悉能入三世智地七總歎常無常
八涅槃因力具足八方便淨涅槃九自淨常果
因十總結成法供養行誦讚有十九偈分爲四

歎佛三業及坐道樹自在德初三偈歎佛意業
用次十偈辨身在樹王自在次二偈口業自在
次四歎坐莊嚴大用自在次下第三諸王與供
養行亦可第二發起序就中分三初佛神力動
地等所言動者一方動遍動者四方同時動等
遍動者八方動此解十八動出大論吼覺震是
聲餘者色也^下文有六種動卽東湧西沒等是
也諸經有異動不出此二准以思攝二明興供
養三此世界中佛坐道場下結所得業第二文

華嚴經疏記卷一

分四一總二別三結四等餘方諸王德業文有
二一正歎此王二等餘世界就正歎文有六句
前三自利次利他次二自他行成滿入勝分
初一總說各隨樂所入法及能入方便法門二
依證出觀心生歡喜法門三別說方便對治法
四通達諸方湧猛利他法門五如來位境勝分
已入六諸佛所證無量法海皆已得度結文二
意可知釋淨眼品已總有四種生解法以起下
文除立破四答善巧憍依等一次第門相形生

維摩十五能破有部遠破
宗旨後思非為善事也
經建立自宗言此重教有

解故二總別門如六相等從相入實故三攝取
門如依言攝義故也四例聲門七種例聲例文
取義故

盧舍那佛品第二自此已下正明正宗文有四
門分別一辨名二來意三明宗趣四釋文一釋
名者盧舍那此云廣博嚴淨問此品辨依報何
故從主名者此王與主為所依正報強故舉入
顯土二來意者何故此品來既眾集已次明所
顯法故也三辨宗趣者有二一人一法人有二

下段末乃至若約此部一乘
但有二種謂世界及国土也

謂能加及所加各有體相用下諸會並約諸會
分異耳能加體者以內證法智爲體七日思惟
度量以顯德相加說爲用所加助化人體者入
定爲體蒙加爲相起說爲用餘會昇沈優劣准
之可解耳法者四種淨土爲此會宗又亦可法
界及世界海爲宗也其法用真如爲體別德爲
相益物爲用第四分文釋者有二一對會一隨
品此盧舍那品果廣而因略故屬果德一名號
下因廣而果略故判因行更有別判如第二會

初釋二就品分者有二初至光覺等來舉果勸
樂生信分二明難下明修因契果生解分三離
世間下辨依緣修行成德分所以須爾者爲衆
生薄少善根信心難發故此品內佛加普賢說
淨土依果第二會內文殊承力說佛三業明其
正報以此勝依正以起信心信既起信心已次須
爲說法令其起解故明難品下廣辨行相勸依
已見法明白次須勸依起行歸有所得故離世
間下明依緣成德分亦可依會分文定耳餘義

可知又依瓔珞經云第十一會明世界及法界海
第二會明淨土此依經判大妙文有此意甚須
思簡至文賞類次第二引證者如維摩經佛國
品在先如是非一可知此品大分二一總通釋
二別約文辨初總有二一能詮法二所詮義其
法義不定廣如卅無礙辨才等中釋二別約文
辨有一初大衆生念陳疑二爾時世尊知諸菩
薩心下明其答相因初請問料簡八會諸問不
同卽十門中第四也此略有二一辨有無二明

法門廣略前後二辨問人多少不等初有無者
初二會後二會初有問也所以者初爲通問因
果二法故第二所以者復問行法初故後二所
以問修行中因果故餘對文辨次依文釋疑問
中分二初長行後偈誦長行有三初舉能問人
興念二何等下正請三唯願下結請請中有廿
三句問又佛作頭成十四句分二初廿一句問
得果法次一切菩薩下問因法就果文准下五
海十智答文有五子段初十二句明三身果體

差別。又若依一乘卽體德用也。餘准之次世界一句辨淨土。依果三衆生海一句辨所化生。四法界方便一句辨化生法藥。五佛海下六句辨果德攝化作用之義。初十二分三初四辨法身德。二佛力下五句辨報佛德。三佛眼下三句明化身德。此約三乘定文耳。佛地者果位出生衆德。故佛境界者分居也。佛持者法身持衆德也。佛行者行業也。化身文眼耳等辨身業。佛光明等辨口業。佛智海辨意業。就佛海下六句化用

文中初二辨報佛化用。後三辨化佛作用。就後因門分三。初一切菩薩所修行海者總也。次別別文分三。初大乘心等辨地前信樂等種爲因也。二出生諸度下辨地上行卽攝十度波羅蜜。卽六波羅蜜願。卽願方便智。卽力智也。誦文有二初長行次偈誦。偈有十八偈。准地論此名口業也就中分三。初六偈總讚。請次十一偈半誦上請文次半誦上結誦。前六文內分三。初一自德圓次三利他滿後二根器樂聞就十二句巧

略故不可周盡初八誦三身十二句次一誦世
界海下三句次二誦上佛海等六句及因行等
二句次第二明答相文分七初辨放光集衆明
其序分二爾時普賢卽入淨藏定下三昧分三
普賢入定已已下辨加分四爾時一切菩薩見
摩頂已下大衆同聲請分五爾時普賢菩薩承
佛神力已下明本分六爾時普賢從定下辨起
分七爾時普賢菩薩欲令衆歡喜下明其說分
文分二初廣集說儀二如此四天下已下結通

平等初文有四初放光二集衆三示衆令知說
法者四於彼有蓮華生下顯說儀則次放光有
二意一現相表實二起其信心此文二意通下
會耳因此初放光卽明諸會放光集衆偈誦三
義不同此卽十中第五番也集衆說偈對文辨
諸會序內顯解行法及德位淺深不同第六七
八三會無放光集衆所以第六不放者凡放光
表往來衆集等地前世間故有往還地上證體
無流盡其性處無可攝聚在異處也但可共加

顯深方說也七八不放者起光本顯爲集衆彰
法後一法已先顯今依修行故不假也然彼第
八會正說中放光者爲明果德攝益分齊不爲
集衆也又第七會證行境界法唯相應辨信非
言事能證成故無光及衆集耳又初會光爲集
衆證經二光覺品顯所依法淺深通下爲則三
第二會已去三會光爲顯當位得理分齊又問
第六會放光集衆俱無者欲顯無漏德位不可
以事彰故也放光文分二初面門是身業二光

中起聲說偈是日業蓮華藏海因人非及故須
光加方可見也所以面門放者表正向教導曠
被說故言面門者面之正容非別日也所以一
一齒者表能對資成功立也就放光文中有五
初辨所依次總列十門三如是等下出光眷屬
行四後一一光下辨用五顯光攝益光門分三
初六法身正報相次二明淨土依相次二明攝
化相誦文十九偈有二初十辨佛德行善能開
覺次七勸誡導師興其供養往佛所也次二重

歎佛德用內證諦海生物勝欲就第二集新衆
文中二先明諸會有無次分文有無四一有無
二來處遠近三本處佛號及菩薩名不等四供
養多少有無者唯他化天說十地及重會此二
無新衆有四意衆集一爲表所攝機二爲證法
三爲興供養四明衆圓如是等所以可知其第
八會定後集者表知識方便善巧令自他入於
法界不爲顯法亦可爲顯攝他用非證自義仍
是衆集爲證法耳二辨來衆遠近者十百千如

文餘義對文釋集衆有四相一處名彰法相二
佛名顯解三菩薩名明位始終四坐名辨攝法
利用此但局新衆餘卽通也就十方新衆文有
五一圓衆來此二如是等下總結三菩薩次第
坐下各顯已所得法門顯有化德四念念中於
一一世界下明緣起力用自在化物五明說偈
初文中各有七分一處海二佛刹三佛名四
彼菩薩各爲某佛開覺五與待俱來六興供佛
七各據本方坐第二結文十億佛刹等有十億

菩薩來者此是國土海體同不別此衆生土名
字不同者爲表果德普通攝益現法差別不同
故也第三有六一坐已二毛孔出光三光中出
菩薩四菩薩方便周遍諸塵五一塵中有佛
糾六六一糾中有佛現此是實事非化權也次
第四文有三初辨所化生二以夢自在法門下
辨能化之法初辨次結三於一念頃下辨化成
益就成益文有六句一益人天二益內凡三益
成十果向四益令成十廻向已還五益令得七

地已還六益成八地已上五誦文有一初十偈
誦前十方菩薩久修勝行起此後十偈誦前次
第坐下及益生文前十中分二初二偈辨菩薩
自德次有五偈辨能拔生離苦次有三偈由德
成故能遍遊十方佛所顯其殊能後十偈通誦
上坐已下所得法門化德等文也餘相可知第
三示普賢使知說法者令衆敬請文有四一辨
放光益意次正放光此有五句可知三光所照
處正示四從足入攝用歸本顯因果二融第四

出蓮及菩薩顯說儀中有二初場處華出亦可
相輪此有七句此顯攝化分齊一從佛眉間出
二大菩薩約入顯教三說偈讚歎明教分齊就
第二出菩薩中有七初辨處二明所出人三列
名四眷屬五出已敬繞坐六退坐有一七成就
下歎所出人德此有四句第三偈有二初勝音
說六偈歎佛化身應器自在及顯法分齊即顯
教聲德二師子炎光奮迅說十七偈總歎盧舍
那及普賢能同諸佛及辨轉法輪相也即顯教

威用初誦分三初二明化身充滿法界現生前
意次二現身說法亦教分齊次一威德難思第
二奮迅音菩薩偈內初三辨盧舍那自在轉法
輪次十四偈明三業轉即緣具也此明約緣顯
三種法轉初文有四初半總顯二半辨體三
一行明所應方處隨轉四一行明義相耳法輪有
四種一教二行三理四事也問此轉法輪與二
乘三轉十二行輪何別答此但一轉成其十行
所謂一轉無盡轉廣如下說又佛本行經云佛

華嚴經疏
卷一

於基宿月初十五日內十二日晷過半人影當時北面而坐於鬼宿及房宿時轉梵法輪也就第二中初六偈明意業化次四偈辨身業化次四偈辨口業化又釋有七初二總辨因果起分量二有二辨身業三有二明其口業四有二明意業次二重辨身分齊次二重口次二重意二明三昧分法體卽敬承佛力受加以發起於內有一一約諸會料簡二釋文料簡分四卽第六番也一有無者人定爲表法深唯第二會所對

機淺法不可深故又是住方便無自位體故不入定法對機位故也二重不重入者初會義重餘無也亦可不重爲此本分定中說故所以下別釋耳三因果體別者第一第七及八明是佛定三四五六并菩薩定何爲者初爲無垢如藏是淨體故入淨藏定第七會自利果行成熟故入佛華嚴定此語望化主若就行者修因花嚴果故爲修從始故重普光第八法界解脫利他果滿故佛自入師子奮迅定此亦約化主若就

修行表因入楞境建志立身故又此三會所顯
法並通因果故入果定耳中間四會入因定對
文方釋四能入人異者七處入定中前六會明
菩薩入爲彰分契理故亦明勇悅因人第八佛
自入定者明法界解脫究畢果體唯佛能窮故
亦可舉佛顯法際故又對佛顯諸人所知分齊
故餘意在下辨次依文釋分二初辨普賢入淨
藏定一照諸佛無礙此中智斷分一也三於此
已下辨等諸佛所得定也亦可結通也第三入

是三昧下明佛加分一二因是料簡諸會加被
差別卽第七番也二釋文料簡有二一辨有無
辨諸佛遠近及多少名字有異有無者二七八
會不明諸佛加何爲凡加被爲果攝益令下位
下智得力堪說上法及勝進起行第二辨機初
不定防其進退故不入定以表法決浚故又人
不入定審見法故不加也第七會有二一卽此
會行所依法與前不異故二明行者起修麤細
不定故也第八會辨佛自入三昧法界解脫之

果大周圓極故不假加次佛名不同者顯德差別也次依文釋分三初口加與辨及加所爲二爾時一切諸佛與下明意加與智三爾時十方下明身加摩頂與其無畏又此文分二初辨入定故加二所謂下辨加所爲卽是加相初文有三一爲加故諸佛現前二彼諸如來下讚入深定有力能說三是皆下明加讚所由也口加文中分三三總次二句辨自他行體次七句明利他行用意加分三初一總次別辨十智二何以

故下釋成初十智文前三自利後七利他此與下十智多同何故旣說果德佛不自說者此爲表勝果下因堪尅故又普賢得定故長子故衆皆故盡盧舍那佛願底故本願故也又自善根力故准下於此應有摩頂已卽出今略無出下始明出及益意可知耳因此明諸會出定說法不同卽第八番也先辨起定不同諸會說法對文方辨第八有入無出表入法界無返故第二會出入俱無初會文不定也亦可真俗雙觀或

文家交錯餘會具出入耳第四段菩薩同聲重
請普賢卽請分文分二初少長行怪不說意生
後請文普賢爲先唯自衆請未新舊共請請不
滿故不說耳誦請并偈分二初歎德請二下二偈
結請前文有五初二辨普賢久諸佛所修諸願
行應依大願爲衆卽說次四辨普賢常見諸佛
在塵道中應同示說故今應說次六辨普賢久
成定力遍知箭海能廣爲說應同於彼願爲衆
說次四辨普賢三業能雲雨利他何故不說次

二正舉性報二土是十力修得勸應機爲說下
二結請所以唯十地內具加請者爲成自證行
法餘卽不爾也第五正本宗答文大分爲二初
觀五海等明其本分二明十智卽五海之智初
文有二一明承佛神力顯不自力能入二正觀
五海審察其法今此通說教興所爲有十義一
成佛本願故名諸佛本願經以此准之二成菩
薩本願可知三利益時機可知四末代見聞益
可知五欲顯本有理及明修成因果二行六辨

因果二位增微不同如因中果果中因者是及
明初麤次細等七明行位相對辨通局此望同
時可知八因果行位前後通局不同九辨修德
相成之相十欲顯阿含教輪圓淨及約時事顯
真應二行相此可思之依尋下文八會通有十
義至下會文可亦准之若橫分文相顯可知世
界海者答上世界海爲淨土行成衆生住處衆
生海者所化生也答上衆生海法界業海者業
用也成下法身耳欲樂諸根海者通答上因行

二句三世諸佛海者辨佛化用廣周答上三身
十二句及化用中六句亦可此六句屬上諸根
海但心境界異以相顯根耳亦可相卽入業用
海二十智者分五一告二列名三結難思四許
說五明說意耳卽上佛所與十智今歎能顯深
法故也亦有不同者對根別擬故異耳佛子
者有五義如論十智者一世界成敗清淨智答
上果問中佛世界一問二衆生界起智答上果
問中所化衆生海一句三法界智答上能化法

藥一句四如來自在下答上三身德十二句此
一句卽答上法身中佛地佛持次淨轉法輪智
答上佛行一句次力無畏不共法智答上報佛
等力佛勝法示現菩提等三句次光明讚歎音
聲智答上佛光明十句次三種教化智答上佛
眼耳佛海等三輪化佛德次三昧法門不壞智
答報佛三昧以果德體故別答之次如來自在
智答上化用德中佛海等六句下廣文隨相唯
釋上五海初世界海十智中世界成壞智亦可

通說下廣答也此之十智卽三世間智一器世
間二衆生世間第三第四智正覺次願轉法輪
智說前三世間行六力無畏不共智依法成治
行力治魔無畏治外道不共治一乘七光明音
聲智以佛事善成讚揚三寔第八三種教化智
興隆三寔使不斷絕第九三昧法門不壞智明
證智十如來種種自在智卽後得智又此說前
一海卽具十智耳以智法正助各相成故爲五
海依下三世間轉成十身法相似故如是下三

華嚴經疏卷之三

結難說聞四我當下顯承力方許說五欲令下
明說意又義言觀佛五海十智說自十智又通
觀因地五海十智說自十智爲起說方便智與
本法施設不同故又亦可下別辨文中論土者
是智習境也此可思准之亦可唯佛地耳又亦
可地前人說是智習境地上菩薩及果人說是
證非習也

華嚴經畧疏第一本終